

Headlines

- 1 उपराश्ट्रपति जगदीप धनखड़ होरें साइबर सुरक्षा गी बढ़ावा देने दा आह्वान करदे होई आखेआ ऐ जे साइबर अपराधें दे पीड़ितें गी कनूनी सहायता थोनी लोड़चदी।
- 2 संसदीय मामलें दे मंत्री किरण रिजिजू होरें आखेआ ऐ जे नमें आपराधिक कनूनें दा उद्देश्य इंसाफ करना ऐ नां कि सजा देना।
- 3 सरकारै आखेआ ऐ जे जम्मू-कश्मीर च उपराज्यपाल हुंदे इख्तयारें गी बधाने दा मकसद व्यवस्थित प्रशासन गी यकीनी बनाना ऐ।
- 4 ते क्रिकेट च भारत नै जिम्बाब्वे खिलाफ श्रृंखला दे 5में ते खीरी टी-20 मैच च मेजवान टीम दे सामने जित्त लेई 168 रन्ज दा लक्ष्य रखेआ ऐ।

<><><><><><>

Vice President

उपराश्ट्रपति जगदीप धनखड़ होरें बेहतर तौरा पर तैयार साइबर सुरक्षा नुमायंदगी दी धारणा गी बढ़ावा देने दी लोड़ पर बल पाया जेड़ी बधा'रदे साइबर हमले कन्नै निब्वडने पर केंद्रित ऐ। उनें टकोह्दे तौरा पर ग्रामीण इलाकें च साइबर अपराध पीड़ितें गी कनूनी मदाद उपलब्ध करोआने दी लोड़ पर जोर भरेया। कल संझा नमीं दिल्ली च ग्लोबल काउंटर टेररिज्म काउंसल आस्सेआ आयोजित त्रीये साइबर सुरक्षा सममेलन दे मुकदे इजलास गी संबोधित करा'रदे हे। उनें आखेआ जे इक्क सुरक्षित डिजिटल वातावरण नवाचार गी बढ़ावा देने दे कन्नोकन्नी रास पूंजी लाने गी अकर्षित करदा ऐ ते आर्थिक गतिविधियें गी तेजिया कन्नै सहूलतदार बनांदा ऐ। श्री धनखड़ होरें बदा'रदी डिजिटल पैठ दे कन्नै साइबर अपराध दी बदा'रदियें घटनाएं पर संज्ञान लेंदे होई आखेआ जे एह एजेंसियें, जांच करने आहलें, नियामें ते कनूनी बरादरी लेई चैंता दा नमा क्षेत्र ऐ। उनें एहदे कन्नै निब्वडने ताई तकनीकी ते मानवीय माहरतां विकसित करने दा आह्वान कीता।

<><><><><><>

Kiren Rijju

संसदीय मामलें दे मंत्री किरण रिजिजू होरें आखेआ ऐ जे नमें आपराधिक कनूनें दा मकसद लोकें गी न्या दोआना ऐ नां की कुसै गी सजा देना। लेह च मीडिया कन्नै गल्लबात करदे होई रिजिजू होरें आखेआ जे त्रै कनून जेडे आहने गए न, ओहू अंग्रेजें आस्सेआ बनाए गेदे कनूनें दी थाहर लैंगन। अंग्रेजें आस्सेआ बनाए गेदे कनूनें दा मकसद सजा देना हा। उनें आखेआ जे केंद्र सरकार आस्सेआ जेडे कनून बनाए गए न, ओहू लोकें गी न्या दोआने लेई ऐ। एहदे थ्वां पैहले केंद्री मंत्री होरें लेह च सेंट्रल इंस्टीच्यूट ऑफ बुद्धिस्ट स्टडीज़ शैक्षणिक ब्लाक लेई भूमि पूजन कीता। इसी 85 अशारिया 34 करोड़ रपे दी लागत कन्नै बनाया जाग।

<><><><><><>

PM-Trupm Attack of PM

प्रधानमंत्री नरेंद्र मोदी होरें अमरीका दे साबका राश्ट्रपति डोनाल्ड ट्रम्प पर होए दे हमले पर गहरी चैंता प्रगट कीती ऐ। उनें सोशल मीडिया पोस्ट च घटना दी निंदेआ करदे होई आखेआ जे राजनीति ते लोकतंत्र च हिंसा दी कोई थाहर नेई ऐ। श्री मोदी होरें ट्रम्प दी हालत च तौलें सुधार दी कामना करदे होई आखेआ जे भारत दे लोक पीड़ित परोआर, घायलें ते अमरीकी जनता दे कन्नै न। समूलची दुनिया दे नेके मन्ने परमन्ने दे लीडरें साबका अमरीकी राश्ट्रपति ट्रम्प हुंदे पर चुनावी रैली दौरान कीते गेदे हमले दी निंदेया कीती ऐ।

<><><><><><>

Amit Shah

केंद्री गृह ते सहकारिता मंत्री अमित शाह होरें अज्ज इंदौर च एक पेड मां के नाम अभियान दी शुरूआत कीती। इंदौर च इक्के दिन च 11 लक्ख पौधे लाइयै विश्व रिकार्ड बनाया जा करदा ऐ। इस मौके अपने संबोधन च श्री शाह होरें आखेआ जे प्रधानमंत्री नरेंद्र मोदी होरें इक नारा दित्ता ते जनता नै इसी आह्वान बनाई लैता। एह अभियान जलवायु बदलाव दी चुनौतियें दा इक्क बनकदा परता ऐ। मोदी होरें 5 जून गी विश्व पर्यावरण दिवस दे मौके पर एक पेड मां के नाम रम्भ कीता हा जेदे तैहत देस भरै च तकरीबन 140 करोड पौधे लाए जांगन जिंदे चा मध्य प्रदेश च 5.5 करोड पौधे लाए जाडन। इस मौके बोलदे होई श्री शाह होरें आखेआ जे हालांकि विकास होआ करदा ऐ ते सहूलतां बढ़ाई जा'रदियां न पर प्रधानमंत्री होरें असेंगी पिच्छे दिक्खने ते औने आहिलियें पीढियें ताई बी कम्म करने लेई आखेआ ऐ कीजे चौपासम दी चेंता हर कुसै ताई महत्वै आहली गल्ल बनी गई ऐ।

<><><><><><>

Civil-Aviation

सिविल हवाबाजी राज्यमंत्री मुरलीधर मोहोल होरें आखेआ ऐ जे पिछले 10एं बरें दौरान हवाबाजी दे क्षेत्र च भारत दे बड़ी मती तरक्की कीती ऐ जेदे चलदे भारत ब्हाई ट्रांसपोर्ट सेवा दुनिया च त्रीए नम्बरै पर पुज्जी गई ऐ। मंत्री होरें एह गल्ल अज्ज पुणे दे लोहगांव हवाई अड्डे गी यात्री सेवाएं लेई खोले जाने दे मौके पर बोला करदे हे। उनें आखेआ जे पिछले 10एं बरें च मुल्ले च अंदर 469 नमें हवाई रूट खोले गए न। दिल्ली, बंगलोर ते अयोध्या आंगर केई हवाई अड्डें पर नमें टर्मिनल खोले गेन। उनें दस्सेया जे तौलें गै मुल्ले च कोई 20-25 नमें हवाई अड्डें दा निर्माण कीता जाग।

<><><><><><>

LG

केंद्री श्रम ते रोजगार युवा मामले ते खेड्डू मैहकमे दे मंत्री डॉ. मनसुख मांडविया होरें अज्ज राजभवन च उपराज्यपाल मनोज सिन्हा हुंदे कन्नै मलाटी कीती।

<><><><><><>

11th Result

जम्मू-कश्मीर स्कूल शिक्षा बोर्ड नै केंद्र शासित प्रदेश जम्मू-कश्मीर ते लद्दाख कन्नै सरबंधत 11मीं जमात दे सलाना रेग्युलर 2024 दे इक्क बरोबर पढाई आहले कलंडर मताबक नतीजे घोषित करी दित्ते न। मतेयान च कुल 1 लक्ख 23 ज्हार 26 विद्यार्थियें चा 88 ज्हार 396 पास होए ते पास होने दी कुल प्रतिशत 71. 85 रेई जागतें दे 69 फीसदी दे मकाबले कुडियें 75 फीसदी पास होइये बेहतरीन प्रदर्शन कीता। म्तेहान साफ्ट ते हार्ड दौनें ज़ोनें दे 1,179 केंद्रें च करोआई गई।

<><><><><><>

Road Safety

डोडा जिले च बटोत-किशतवाड जरनैली शिडकै पर हाल च गै होए दे शिडक हादसें दे महेनजर मोटर गड्डियें मैहकमे दी इक्क टीम नै अज्ज इक चैकिंग अभियान चलाया। डोडा दे ए.आर.टी.ओ राजेश गुप्ता हुंदी नुमायंदगी च टीम नै गड्डियें दे कागजें दी पडताल करियै नियमें दी खलाफवर्जी करने आहली 26 गड्डियें पर जर्माना कीता। डोडा थमां स्हाढे संवादाता कन्नै गल्ल करदे होई ए.आर.टी.ओ राजेश गुप्ता होरें आखेआ।

<><><><><><>

LG-Powers

जम्मू कश्मीर सरकार नै आखेआ ऐ जे कल केन्द्री गृह मंत्रालय आस्सेआ, कम्म करने दे नियमें प्रक्रियाएं बारे जारी अधिसूचना दा मकसद प्रशासन दे कम्म करने दे तौर तरीके ते प्रक्रियाएं दे बारे च इक साफ तस्वीर पेश करना ऐ तां जे केन्द्र शासत प्रदेश च प्रशासन दा कम्म पूरी चाल्ली बवस्था आले ढंगै सिर चलाया जाई सकै जेहदे च कुसै गी कोई शक शुबा जां भलेखा नेई रवै। सरकार दी सफाई देने दी एह प्रतिक्रिया कल इस विशये गी लेइयै किश सियासी पाट्रिएं आस्सेआ सुआल पुट्टे जाने दी पछोकडै च आई ऐ। इस बारे आवा'रदिएं बक्ख-बक्ख खबरें च अधिकारिक सूत्रें दे हवाले कन्ने आखेआ गेदा ऐ जे कल जारी अधिसूचना

जम्मू कश्मीर पुर्नगठन कनून 2019 च दित्ते गेदे इखितयारें दे तवाजन गी कुसै बी चाल्ली बदलाव नेई करदी। एह्दे च अग्गे आखेआ गेदा ऐ जे जम्मू कश्मीर पुर्नगठन कनून 2019 दी सेक्शन 32 मूजब विधान सभा राज्य सूचि च दर्ज कुसै बी मामले दे सरबंध्यै च कनून बनाई सकदी ऐ। पुलस, सार्वजनिक बवस्था जां भारतीय संविधान दी 7मीं सूचि दे अधिनियम दी दफा 53 मूजब उपराज्यपाल विधानसभा गी दित्ती गेदिं शक्तिं दे दायरे थमां औने आले कुसै बी मामले च अपनी समझ कन्नै कम्म करगंन जेह्दे अखिल भारतीय सेवाएं ते भ्रष्टाचार रोधी ब्यूरो कन्नै सरबंधी होर कोई मामला जेह्दे लेई उनेंगी कुसै कनून तैह्त्त अपनी समझ कन्नै कम्म करने दी लोड होए।

<><><><><><>

Jitender Singh

केंद्री राज्य मंत्री डॉ. जतिंद्र सिंह होरें आखेआ ऐ जे प्रधानमंत्री नरेंद्र मोदी हुंदी नुमायंदगी आहली सरकार लोकें गी घरें दे दरवाजे पर बेहतरिन सेवां प्रदान करने लेई बचने बज्जी दी ऐ। उधमपुर थमां आकाशवाणी संवाददाता नै दस्सेया जे उधमपुर च चला करदे विकास कम्में दी तरक्की-प्रगति दा जायजा लैने ताई पंचैती राज इदारें ते जिला प्रशासन कन्नै लग्गी दी समीक्षा बैठक दी प्रधानता करदे होई मंत्री होरें आखेआ जे प्रधानमंत्री नरेंद्र मोदी हुंदी सोच ऐ जे विकास गी रींगै च खडोते दे खीरले जने तगर पजाना ऐ। बैठक दौरान श्री सिंह होरें इस गल्ला पर जोर पाया जे जिला प्रशासन गी लोकें दे नुमाइंदें कन्नै मिलिये कम्म करना लोडचदा। उनें रकारै पास्सेया चलाई जा'रदियां भलाई-बेहतरि दियें स्कीमें बारै लोकें गी जारूक करने ताई जिले दे दूर-दरेडे इलाकें च शिविर लाने दे बी निर्देश दित्ते।

<><><><><><>

Poonch-Industrial

सरहदी जिले पुंछ च उद्योग कन्नै सरबंधत परियोजनाएं गी बढावा देने दे मकसद कन्नै जिला प्रशासन नै उद्योगें कन्नै सरबंधत इकाइयें दी प्रक्रिया रम्भ करने आस्तै इक सुविधा केंद्र दी स्थापना कीती ऐ। मकामी लोकें इस पहल दा सोआगत कीता ऐ ते मेद जताई ऐ जे एह्दे कन्नै मकामी अर्थ बवस्था गी बढावा थहोग। अपने चाल्ली दी पहली ते नूठी पहल बारै मती जानकारी दिंदे होई स्हाडे पुंछ आहले संवाददाता गी एसीआर कद्दीर उर रहमान होरें दस्सेया।

<><><><><><>

Kishtwar-Haat

किश्तवाड दे डी.सी देवांश यादव होरें सैलानियें, तीर्थ यात्रियें ते होरनें आस्तै इक बेहतरिन अनुभव दा बाद्दा करदे होई किश्तवाड शैहरा दे बश्कार किश्तवाड हाट ते टीआरसी किश्तवाड रिसार्ट दा कल उद्घाटन कीता। डीसी होरें आखेआ जे एदे कन्नै मकामी कारीगरें, करसानें ते उद्यमियें गी अपनियें चीजे-बस्तें गी दस्सने ते बेचने च सखाल होग जिंदे च हत्थें कन्नै तैयार कीते गेदे समेयान थमां लेइयै जैविक उत्पाद शामिल होडन। टकोह्दा करियै मशहूर किश्तवाडी केसर, पाडरी जीरा ते माडवाह दे राजमाश बी शामिल होडन।

<><><><><><>

Weather

जम्मू च अज्ज दिनें दा बद्दोबद्द तापमान 35.7 डिग्री सेल्यिस दर्ज कीता गेआ जिल्ले के कल रातीं दा घट्टोघट्ट तापमान 25.3 डिग्री सेल्यिस रेया। एह्दे अलावा मौसम विभाग नै अज्जै थमां 20 जुलाई तगर जम्मू खित्ते च किश थाहरें पर आमतौरा पर गासै पर बद्दलें दे घनोए दे रौहने ते टामिं-टामिं थाहरें पर गर्जी-गर्मी कन्नै बरखा बरने दी पेशगोई कीती ऐ। 16 ते 17 जुलाई गी किश थाहरें पर ल्हास-पस्सियां ते कुप्पड पौने ते जिमीं दे धंस्सने दे सार ब जताए न।

<><><><><><>

Cricket

भारत ते जिम्बाब्वे बश्कार खेड्डी जा'रदी 5 टी-20 क्रिकेट मैचें दी श्रृंखला दा पंजमा ते खीरला मैच हरारे च खेड्ढेया जा करदा ऐ। जिम्बाब्वे नै टॉस जित्तिये पैहले गेंदबाजी करने दा फैसला लैता। पहले बल्लेबाजी करदे होई भारत नै 6 विकेटें पर 168 रन्हें दा लक्ष्य रखेआ। संजु सैमसन नै 45 गेंदें च 58 ते शिवम दुबे नै 12एं गेंदगें च 26 रन्जें दा योगदान दित्ता। शुभमन गिल दी कप्तानी च भारतीय टीम 3-1 कन्नै अग्गे ऐ।